

頭避崢嶸攀緣不知倦怪異焉敢驚匍匐一百步稍稍策可橫
忽焉白蝙蝠來撲松炬明人語散瀕洞石響高玲玕脚底龍蛇
氣頭上波浪聲有時若服匿偏仄如見繡俄爾造平坦豁然逢
光晶金堂似鑄出玉座如琢成前有方丈沼凝碧融人情雲漿
湛不動喬露涵而馨漱之恐減算勺之必延齡愁爲三官責不
敢攜一甌昔云夏后氏於此藏真經刻之以紫琳秘之以丹瓊

蘇州府志

卷一百三十九

詩集一

三

得朝上清對彼神仙窟自厭濁俗形却怪造物者遣我騎文星

桃花塢 在洞庭山

蜜緣度南嶺盡日穿林樾窮深到茲塢逸興轉超忽塢名雖然
在不見桃花發恐是武陵溪自閉仙日月倚峯小精舍當嶺耕
殘堊將洞任迴環把雲恣披拂間禽啼竚篠險狖眠碑砢微風
吹重嵐碧埃輕勃勃清陰滅鶴睡秀色治人渴敲竹鬬錚樛弄
泉爭咽嗚空齋蒸柏葉野飯調石髮尤羨塢中人終身無履屨

洞庭縹緲峯

宋 范成大

滿載清閒一棹孤長風相送入仙都莫愁懷抱無消豁縹緲峯
頭望太湖